

اتوار 12 مئی، 2024

مضمون۔ آدم تے پاپی انسان

سنہری متن: یوحنا 3 باب 7 آیت

”تھاڈا نویں سرے توں جمنناں ضروری اے۔“

جوابی پڑھائی: افسیوں 4 باب 1، 2، 14، 15، 22 توں 24 آیتاں

- 1۔ ایس لئی میں جیہڑا رب وچ قیدی آں تھاڈے اگے التجا کرداواں پئی جیس بلاوے لئی تسی بلائے گئے او اوہدے مطابق چال چلو۔
- 2۔ یعنی کمال فروتنی یعنی علم دے نال تھل کر کے محبت نال اک دوجے دی برداشت کرو۔
- 14۔ تاں جو اسی اگے توں بال نہ رہئے تے بندیاں دی بازی گری تے مکاری دے پاروں اوہناں دے گمراہ کرن والے منصوبیاں ول ہر اک تعلیم دے جھوٹے نال چھلاں وانگر پڑکدے نہ پھرئیے۔
- 15۔ بلکہ محبت نال سچائی اُتے قائم رہ کے تے اوہدے نال جیہڑا سراے یعنی مسیح دے نال جڑ کے ہر طراں اگے ودھدے جائیے۔
- 22۔ پئی تسی اپنے اگلے چال چلن دی پرانی انسانیت نوں لاہ دیو و جیہڑی فریب دیاں شہوتاں دے پاروں خراب ہندی جاندی اے۔

23۔ تے اپنی سیان دی روحانی حالت وچ نویں بن دے جاو۔

24۔ تے نویں انسانیت نوں پالو و جیہڑی رب دے مطابق راستبازی تے پاکیزگی وچ پیدا کیتی گئی اے۔

درسی وعظ

بائبل وچوں

1۔ پیدائش 1 باب 1، 26 (توں؛)، 27، 28 (توں پہلی)، 31، (توں پہلی) آیات

1۔ رب نے شروع وچ دھرتی تے آسمان نوں پیدا کیتا۔

26۔ فیہ رب نے آکھیا پئی اسی انسان نوں اپنی صورت اُتے اپنی شبیہ وانگر بنائیے۔

27۔ تے رب نے انسان نوں اپنی صورت اُتے پیدا کیتا۔ رب دی صورت اُتے اوہنوں پیدا کیتا۔ نرو ناری اوہناں نوں پیدا کیتا۔

28۔ رب نے اوہناں نوں برکت دتی۔

31۔ تے رب نے سب اُتے جو کجھ اوہنے بنایا سی نظر کیتی تے ویکھیا پئی بوہت چنگاے۔

2۔ پیدائش 2 باب 1، 6، 7 آیات

- 1۔ ایس طراں اسمان تے دھرتی تے اوہناں دے کل لشکر دا بنانا پورا ہوا۔
- 6۔ بلکہ دھرتی توں کھڑا ٹھہدی سی تے ساری دھرتی نوں سیراب کردی سی۔
- 7۔ تے خداوند رب نے دھرتی دی مٹی نال انسان نوں بنایا تے اوہدے نتھنیاں وچ حیاتی دادم پھوکیا تے انسان جیوندی جند بنیا۔

3۔ یسعیاہ 25 باب 1، 6، 7 آیتاں

- 1۔ اے خداوند! توں ای میرا رب ایس۔ میں تیری وڈیائی کراں گا۔ تیرے ناں دی ستائش کراں گا کیوں جے توں عجیب کم کیتے نیں۔
- 6۔ تے رب الا افواج ایس پہاڑ اُتے ساریاں قوماں لئی فرہہ شیواں نال اک دعوت تیار کرے گا بلکہ اک دعوت تلچھٹ اتوں نتری ہوئی مے نال۔ ہاں فرہہ شیواں نال جیہڑیاں مغز والیاں ہوون تے مے نال جیہڑی تلچھٹ نالوں چنگی نتری ہووے۔
- 7۔ تے اوہ ایس پہاڑ اُتے ایس پردے نوں جیہڑا سارے لوکاں اُتے ڈگ پیا تے اوس نقاب نوں جیہڑا ساریاں قوماں اُتے لہک رہیا اے دور کرے گا۔

4۔ یوحنا 1 باب 6 توں 13 آیتاں

- 6۔ اک بندہ یوحنا ناں دا آگیا جیہڑا رب ولوں گھلیا گیا سی۔

- 7- ایہہ گواہی لئی آیا پئی نور دی گواہی دیوے تاں جو سارے اوہدے راہیں ایمان لیان۔
- 8- اوہ آپ تے نور نئیں سی پر نور دی گواہی دین لئی آیا سی۔
- 9- اصلی نور جیہڑا ہر بندے نوں روشن کر دا اے جگ وچ آؤن والا سی۔
- 10- اوہ جگ وچ سی تے جگ اوہدے راہیں بنیا تے جگ نے اوہنوں نہ پچھانیا۔
- 11- اوہ اپنے گھر آیا تے اوہدے اپنیاں نے اوہنوں قبول نہ کیتا۔
- 12- پر جنیاں نے اوہنوں قبول کیتا اوہنے اوہناں نوں رب دے پتر بنن دا حق بخشیا یعنی اوہناں نوں جیہڑے اوہدے ناں اُتے ایمان لیاؤندے نیں۔
- 13- اوہ نہ لہو توں نہ بدن دی خواہش توں نہ انسان دے ارادے توں بلکہ رب توں جے۔

5۔ یوحنا 3 باب 14 توں 17 آیتاں

- 14- تے جداں موسیٰ نے سڀ نوں بیابان وچ اُچا چڑھایا اوہ سہ طراں ضرور اے پئی ابن آدم وی اُچا چڑھایا جاوے۔
- 15- تاں جو جیہڑا کوئی ایمان لیاوے ہمیشہ دی حیاتی پاوے۔
- 16- کیوں جے رب نے جگ نال اجیہی محبت رکھی پئی اوہنے اپنا اکلوتا پتر دے دیتاں جو جیہڑا وی اوہدے ایمان لیاوے اوہ ہلاک نہ ہووے بلکہ ہمیشہ دی حیاتی پاوے۔
- 17- کیوں جے رب نے پتر نوں جگ وچ ایس لئی نئیں گھلایا پئی جگ اُتے سزا دا حکم دیوے بلکہ ایس لئی پئی جگ اوہدے پاروں مکتی پاوے۔

6۔ 2 کرنتھیوں 3 باب 12 توں 18 آیتاں

- 12۔ ایس لئی اسی ایجنج دی آس کر کے بڑی جرات نال بول دے آں۔
- 13۔ تے موسیٰ وانگر نئیں آں جنہے اپنے مکھڑے اُتے نقاب پایاں جو بنی اسرائیل اوس مٹن والی شے دے انجام نوں نہ ویکھ سکے۔
- 14۔ پر اوہناں دے خیال نتر گئے کیوں جے اج تیکر پرانے عہد نامے نوں پڑھدیاں ہوئے اوہناں دے دلاں اُتے اوہ ای پردہ پیار ہندا اے تے اوہ مسیح وچ اُٹھ جاند اے۔
- 15۔ پر اج تیکر جد کدی موسیٰ دی کتاب پڑھی جاندی اے تے اوہناں دے دل اُتے پردہ پیار ہندا اے۔
- 16۔ پر جد کدی اوہناں دا دل خداوند ول پھرے تے اوہ پردہ اُٹھ جاوے گا۔
- 17۔ تے اوہ خداوند روح اے تے جتھے کتے خداوند روح اے او تھے آزادی اے۔
- 18۔ پر جد اسی سارے دے سارے بے نقاب مکھڑیاں توں خداوند جلال ایس طراں منعکس ہندا اے جیویں شیشے وچوں تے اوس خداوند دے راہیں جیہڑا روح اے اسی اوہی جلالی صورت وچ درجہ بدرجہ بدل دے جانے آں۔

7۔ رومیوں 5 باب 1، 2، 14، 17 توں 21 آیتاں

- 1۔ ایس لئی جدوں اسی ایمان نال راستباز ٹھہرے تے رب دے نال اپنے خداوند یسوع مسیح دے راہیں صلح رکھیے۔
- 2۔ جیدے راہیں ایمان دے پاروں اوس فضل تیکر ساڈی پہنچ وی ہوئی جیدے اُتے قائم آں تے رب دے جلال دی آس اُتے فخر کریے۔

- 14- فیروی آدم توں لے کے موسیٰ تیکر موت نے اوہناں اُتے وی بادشاہی کیتی جنہاں نے اوس آدم دی نافرمانی وانگر جیہڑا آؤن والے دی مثال سی پاپ نہ کیتا۔
- 17- کیوں جے جدوں اک بندے دے پاپ دے پاروں موت نے اوس اک دے راہیں بادشاہی کیتی تے جیہڑے لوک فضل تے بادشاہی دی بخشش افراط نال حاصل کر دے نیں اوہ اک بندے یعنی یسوع مسیح دے پاروں ہمیشہ دی حیاتی وچ ضرور ای بادشاہی کرن گے۔
- 18- غرض جیویں اک پاپ دے پاروں اوہ فیصلہ ہو یا جیدان نتیجہ سارے بندیاں دی سزا دا حکم سی اونج ای راستبازی دے کم دے پاروں سارے بندیاں نوں اوہ نعمت ملی جیدے نال راستباز ٹھہر کے حیاتی پان۔
- 19- کیوں جے جیویں اک ای بندے دی نافرمانی نال بوہت سارے لوکی پاپی ٹھہرے اونج ای اک دی فرمانبرداری نال بوہت سارے لوک راستباز ٹھہرن گے۔
- 20- تے وچالے شریعت آ موجود ہوئی تاں جو پاپ بوہتا ہو جاوے پر جتھے پاپ بوہتا ہو یا او تھے فضل اوس توں وی بوہتا ہو یا۔
- 21- تاں جو جیویں پاپ نے موت دے پاروں بادشاہی کیتی اونج ای فضل وی ساڈے خداوند یسوع مسیح دے پاروں ہمیشہ دی حیاتی لئی راستبازی دے پاروں بادشاہی کرے۔

8- 1 کرنتھیوں 15 باب 22 آیت

22- تے جیویں آدم وچ سارے مردے نیں اوسے طراں مسیح وچ سب جیوندے کیتے جان گے۔

9- 2 کرنتھیوں 4 باب 1، 3، 4، 6 آیتاں

- 1- ایس لئی جد ساڈے اُتے اجیہار حم ہو نیا پئی ساہنوں ایہہ سیوا ملی تے اسی ہمت نئیں ہار دے۔
- 3- تے جے ساڈی خوشخبری اُتے پردہ پیلاے تے ہلاک ہون والیاں لئی پیلاے۔
- 4- یعنی اوہناں بے ایماناں لئی جنہاں دیاں سیاناں نوں ایس جہان دے رب نے اٹھا کر دتا اے تاں جو مسیح جیہڑا رب دی صورت اے اوہدے جلال دی خوشخبری دی لواوہناں اُتے نہ پوے۔
- 6- ایس لئی پئی رب ای اے جنہے آکھیا پئی ہنیرے وچوں لوچکے تے اوہ ای ساڈے دلاں وچ چمکیا تاں جو رب دے جلال دی پچھان دی لویسوع مسیح دے مکھڑے توں جلوہ گر ہووے۔

سائنس تے صحت

1- 15-10:275

ہستی دی اصلیت تے ترتیب نوں اوہدی سائنس وچ پھڑن لئی، اوہ سب کجھ جیہڑا اصلی اے اوہدے الہی اصول دے طور تے تہانوں رب دا تصور کرنا شروع کرنا چاہیدا اے۔ روح، حیاتی، سچیائی، پیار یکسانیت وچ جڑ جاندے نیں، تے ایہہ سارے رب دے روحانی ناں نیں۔ سارا کجھ مواد، ذہانت، حکمت، ہستی، لافانیت، وجہ تے اثر رب نال تعلق رکھدے نیں۔

2- 11-5:63 (وچ)

سائنس وچ انسان روح دی اولاد اے۔ اوہد انسب سوہنا، چنگیائی تے پاکیزگی بناؤندی اے۔ اوہدا اصل، بشر وانگر، وحشی فطرت وچ نیس تے نہ ای اوہ ذہانت تیکر اپڑن توں پہلاں مادی حالتاں وچوں لنگدا اے۔ روح اوہدی ہستی دا پہلا تے اصلی منبع اے؛ رب اوہدا پیو اے، تے حیاتی اوہدی ہستی دا قانون اے۔

3 15-8:295

فانی سیان مادی نوں روحانی وچ بدل دیوے گی، تے فیر انسان دی اصلی خودی نوں غلطی دی فانیت نال رہا کرن لئی ٹھیک کرے گی۔ فانی لوک غیر فانیوں وانگر رب دی صورت اُتے نیس بنائے گئے، بلکہ لا محدود روحانی ہستی وانگر فانی ضمیر انخیریں سائنس دی اصلیت نوں منے گاتے غائب ہو جاوے گا، تے ہستی دی کامل تے ہمیشہ قائم رہن والی سیان سامنے آوے گی۔

4 6-31:28-27:288

سائنس اوس لافانی انسان دے جلالی امکانات نوں ظاہر کردی اے جیہڑا ہمیشہ لئی فانی حساں ول لا محدود ہندا اے۔ مسیح دے اندر مسیحائی دے عنصر نے اوہنوں راہ وکھاؤن والا، سچائی تے حیاتی بنایا۔

ابدی سچائی اوہنوں برباد کردی اے جیہڑا انسان نوں غلطی توں سکھیا ہو یا کھالی دیندا اے تے رب دے پتر دے طور تے انسان دی اصلیت روشنی وچ آؤندی اے۔ ظاہر کیتی ہوئی سچائی ہمیشہ دی حیاتی اے۔ بشر جدوں تیکر ایہہ نیس سکھدا اپنی رب ای واحد حیاتی اے، اوہ غلطی دے عارضی بلے، پاپ، بیماری تے موت دے عقیدے وچوں کدی باہر

نئیں آسکدا۔ بدن وچ حیاتی تے احساس ایس سمجھ نال فتح کیتے جانے چاہیدے نیں جیہڑی انسان نوں رب دی شبیہ بناؤندی اے۔ فیر روح بدن اُتے فتح مند ہووے گی۔

5- 27-21:580

آدم ناں ایس جھوٹے عقیدے نوں پیش کردا اے پئی حیاتی ہمیشہ دی نئیں اے، بلکہ ایسا شروع تے انجام اے؛ پئی لا متناہی متناہی وچ شامل ہندا اے، پئی ذہانت غیر ذہانت وچوں گزردی اے تے روح مادی فہم وچ وسدی اے؛ پئی فانی عقل مادے نوں تے مادہ فانی عقل توں مانو ذہندا اے؛ پئی واحد رب تے خالق اوہدے وچ شامل ہو یا جینوں اوہنے خلق کیتا تے فیر مادے دی غیر مذہبیت وچ غائب ہو گیا۔

6- 14-9:214

آدم، جیویں کلام وچ مٹی توں بنیا ہو یا پیش کیتا گیا اے، انسانی سیان توں اک گھٹیا شے اے۔ آدم وانگر مادی حساں، جیہڑیاں مادے توں جمیاں تے مٹی وچ پرت کے جانیاں نیں، غیر ذہن ثابت ہو یاں نیں۔ جیویں اوہ اندر آؤندیاں نیں اونچ ای باہر جانیاں نیں، کیوں جے اوہ ہلے وی ہستی دیاں غلطیاں نیں سچیاں نیں۔

7- 29-21:521

پیدائش 2 باب 6 آیت: بلکہ دھرتی توں کھراٹھدی سی تے ساری دھرتی نوں سیراب کردی سی۔

الہی تخلیق دی سائنس تے سچائی نوں پہلاں توں پیش کیتیاں ہوئیاں آیتاں وچ بیان کیتا جا چکیا اے، تے ہن مخالف غلطی، تخلیق دا اک مادی منظر، پیش کیتا جانا اے۔ پیدائش دے دو جے باب وچ رب تے کائنات دے ایس مادی نظریے دا بیان ملدا اے، اوہ بیان جیہڑا جیویں پہلے ریکارڈ ہوئی سائنسی سچائی دے بالکل الٹ اے۔

8- 11-5:522

پہلا ریکارڈ ساری طاقت تے حکمرانی رب نوں دے دیندا اے، تے انسان نوں رب دی کاملیت تے قوت نال شبیہ دیندا اے۔ دو جا ریکارڈ انسان نوں بدلن دے قابل تے لافانی، اپنے دیوتا توں وکھ ہوون دے طور تے اپنے ای مدار وچ کھدا ہوئیا، لکھدا اے۔ وجودیت نوں، الوہیت توں وکھرا، سائنس ناممکن دے طور تے واضح کردی اے۔

9- 13-7:523

مادے دیاں مخلوقاں کھوہیا جھوٹے دعوے یا پراسراریت توں جھڑپاں نیں نہ کہ اسمان یا اوس سمجھ توں جھڑپاں نیں جیہڑی رب سچ تے جھوٹ دے وچالے کھڑی کردا اے۔ غلطی وچ ہر شے میٹھوں آؤندی اے اتوں نہیں۔ سب کجھ روح دے پرچھانویں دی بجائے مادی افسانہ اے۔

10- 27-22:557

مشہور الہیات انسان دی تاریخ دے بارے سمجھدی اے پئی جیویں انسان نے مادی طور تے ٹھیک شروع کیتا ہووے، پر اوہ چھیتی نال ذہنی پاپ وچ پے گیا؛ جد کہ ظاہر کیتا گیا مذہب سیان دی سائنس تے اوہدیاں شکلاں دا پرچار کردا اے پئی جیویں اوہ پرانے عہد نامے دے پہلے باب نال تعلق رکھدے نیں، جد رب، یعنی سیان، نے آکھیا تے اوہ ہو گیا۔

11- 28:31-282

جو کجھ وی انسان دے پاپ یارب دے مخالف یارب دی غیر موجودگی ول اشارہ کردا اے، اوہ آدم دا سُفناں اے، جیہڑا نہ ای سیان اے تے نہ انسان اے، کیوں جے ایہہ پیو دا اکلوتا نئیں اے۔

12- 30:338 (آدم)-32

آدم اوہ مثالی انسان نئیں سی جیدے پاروں دھرتی نوں برکت دتی گئی سی۔ مثالی انسان اپنے ویلے اُتے ظاہر کیتا گیا، تے اوہنوں یسوع مسیح دے طور تے جانیا جاندا سی۔

13- 19:30-25

سچیائی دے انفرادی نمونے دے طور تے، یسوع مسیح ربونی غلطی تے سارے پاپ، بیماری تے موت نوں رد کرن آیا، تاں جو سچیائی تے حیاتی دی راہ ہموار کرے۔ روح دے پھلاں تے مادی فہم، سچیائی تے غلطی دے وچکار فرق نوں واضح کردیاں ہوئے، ایہہ نمونہ یسوع دی پوری زمینی حیاتی دے دوران ظاہر ہندا رہیا۔

14- 5-28:476

رب دے لوکاں دے بارے، نہ کہ انسان دے بچیاں دے بارے گل کر دیاں ہوئے یسوع نے آکھیا، ”رب دی بادشاہی تہاڈے وچکاراے؛“ یعنی سچائی تے پیارا اصلی انسان اُتے حکومت کر دی اے، ایہہ ظاہر کر دیاں ہوئے پئی انسان رب دی صورت اُتے بے گناہ تے ابدی اے۔ اوس کامل بندے وچ مکتی داتا نے رب دی اپنی شبیہ تے صورت نوں ویکھیا تے انسان دے ایس ٹھیک نظریے نے بیماری نوں ٹھیک کیتا۔ ایس لئی یسوع نے تعلیم دتی پئی رب برقرار تے عالمگیر اے تے ایہہ پئی انسان پاک تے مقدس اے۔

15- 24-19:276

جدوں اسی سائنس وچ ایہہ سکھ لینے آں پئی اسی کامل کیویں بنیے جیویں ساڈا آسمانی پیو کامل اے، تے سوچ جدید تے صحت مندر اہواں ول، لافانی شیواں دی فکر مندی ول مڑ جاندی اے تے ہم آہنگ انسان دے نال نال سنسار دے اصول دی مادیت توں دور ہو جاندی اے۔

16- 11-4:171

مادیت دے روحانی مخالف دے فہم دے راہیں، ایہتھے تیکر پئی مسیح، سچائی دے راہیں، انسان اوس جنت دے بوہے الہی سائنس دی کنجی نال دوبارہ کھولے گا جنہوں انسانی عقیدیاں نے بند کر دتا اے، تے اوہ اپنے آپ نوں بے گناہ، نیک، پاک، تے آزاد اپائے گا، اپنی حیاتی یا موسم دے امکانات لئی جنتری توں صلاح لین دی لوڑ نوں نہ محسوس کر دیاں

ہوئے، ایہہ جانن لئی پئی اوہدے وچ کنسی کہ انسانیت اے دماغی علماں دی پڑھائی کرن دی لوڑ نوں نہ محسوس کردیاں
ہوئے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“، الہی سچائی، حیاتی تے پیار دی
سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے،
تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس
وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سبھی پراہ بندی، خیرات پسندی تے
معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط
طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال
رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جا رہا نہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئل، آرٹیکل VIII، سیکشن 6۔